

CIMELIA

0

612

UNIVERSAL LIBRARY





612

CIMELIA

1895. I. 27

in 14 2

20 5

1895. I. 27

VI. 6. 467

2.
Kosteliger Ant.

30
 $\frac{5}{2} 95$

5 fl. Wic

1895. I. 27

STANISLAI
ORICHOVII, GENTE

ROXOLANI, NATIONE
VERÒ POLONI,

FIDEI CATHOLICÆ
CONFESSIO.

Petricouia, in Synodo : præfidente
Reuerendissimo in CHRISTO Patre,
Domino Nicolao Dirgouio Gnez-
nensi Archiepiscopo: Legato nato, ac
regni Poloniae Primate: purè, simpli-
citer, atque sine conditione edita.

Anno Domini, 1552. xvi. Mensis

Februar. ANNO Dñi. 1561.

in Synodo VVarza-
uiensi confirmata
ac in lucem
data.

COLONIAE.

Apud hæredes Arnoldi Birckmanni.

M. D. LXIII.



REVERENDO

PATRI DOMINO AN-
DREAE PRZECZLAVVSKI, DECA-

no Posnaniensi, Scholastico Cra-
crouiensi: Meccenati suo,
optimè de se merenti,

Iacobus Gorski,

S. P. D.



Onfessiōem STANISLAI
ORICHOVII Rutheni, do-
ctissimi ac Catholici vi-
ri, vt R. P. tua voluit: iu-
dicio & examini docto-
rum subieci, quam illi &

legerunt: & piam, synceram, ac Ca-
tholicam esse pronuntiârunt: vtque
quamprimum in publicū daretur, vo-
luerunt: quòd viderent magnum fru-
ctum hominibus pijs: sua lectiōe eam
allaturam esse. Qua quidē in Confes-
sione non solū pectus pium, veræq;
Catholicum laudē meretur: sed etiam
ars ipsa, quæ res magnas & graues, de

A 2 qui-

Cim. O. 612.

*Conuentus Slesuiciensis ad
S. Mariam Magdalenam.*

EPISTOLA.

quibus multi proluxa volumina reliquerunt, miro compendio ac paucitate verborum complectatur: singulisque sententijs singula praecepta vitæ ac institutionis Christianæ cōprehendat.

Cuius lectione ne diutius Christianus lector fraudaretur: curauimus, vt in lucē primū prodiret. Cui festinationi nostræ, bonitas Lazari, & docti, & in libris edēdis diligētissimi, studiosiq; Reip. & literarię & Christianę iuuandę, Calcographi, non defuit. nā librū à nobis oblatum, nō tam sui cōmodi, quā vtilitatis publicæ causa, libenter suscepit. Quod quidē opus R.P. tuæ, cui per Auctore ipsū dedicatum est, nūc mittimus: quos vnā cum Orichouio, vt tua bonitate complectaris, rogamus. Cui nos omnia fausta precamur. Datum Cracouiæ ē Collegio Maiori, pridie Calen.

Septembris, Anno Dñi

M. D. LXI.

IN

IN ARMA REVERENDI

DOMINI ANDRÉE PRZECZ-
lavrski, Decani Poſnanię. & Schola-
stici, atq; Vicarij in Spiritualibus,
Cracouię. Ecclesiarū, Al-
bertus Vedrogouius.



Piscibus annigenis, semper laus digna dabatur:

Si salubres sapiant, si noceantq; nihil.

CARPIO laudatur, Benaco flumine captus:

Sat sapidum & salubrem, Vistula crede parit.

Quid censes? quantus fuerit, qui nobile stemma

In regno peperit? CARPIO magnus erat.

Hunc igitur fert, uir clarus Przeczlaius, omni

Commodus, & patrię spesq; decusq; suæ.

Hic propria, magnos sibi conciliauit honores,

Virtute, & factis, cuncta merendo, bonis.

A 3

IN

IN IDEM STEMMATA
MATTH. PLOCEN.

Carpio tuta petit loca, nec citò tollitur inde:

Est nimum nitide, summus amator aquæ.

Sic omnes nitidi, iusti sunt, stemmatis eius:

Quos à recto aliò, ducere nemo potest.

IDEM.

Cui pisces curæ fuerant, hic Apostolus olim

Christi erat, intrepidè munus obire solens.

Nec minùs intrepidè munus Preczlauius implet:

Ad quod Saluator, ritè uocauit eum.

SEBEST. FELSTINEN.

Est decus ac lumen sacris Preczlauius aris:

Quem tenet Aonidum, et religionis amor.

Quare cui mittas Orichoui docte libellum,

Scis: e quidem tali munere dignus erat.

Viuat in immensum felix Preczlauius æuum:

Illustretq; suo lumine templa Dei.

Idem ad hæreticos, de S. Orichouio,

Quid dubitatis adhuc, utris Orichouius acer,

Hæretici, accedat: quid dubitatis adhuc?

Non uestras probat hic lites, nec dogmata uasra:

Sed ueteri Christum religione colit.

Vos igitur pudeat: magnam amisistis Achillem:

Sub nostris signis militat armipotens.

Est noster totus: uster iam desijt esse.

Reuera uester si modò quando fuit.

Quòd si quis non firma pulet, quæ scripserat antè:

En Confessio: in hac, quam benè credat, habes.

S. O. R.

Andræ Preczlauius, De-

cano Poznanienfis, & Scholastico

atq; Vicario in Spiritualibus,

Cracouiensis

Ecclesiarum.

S. P. D.



thit est, Andrea Preczlaui, quod
in hac mortali, caducaq; uita æ-
quæ uelim: quàm me ab istis Hel-
uetijs, aduentitijsq; doctrinis a-
lienissimum uideri: cum alijs, tū
uerò tibi in primis: qui Craco-
uia, in principe Poloniae urbe, muneris Pontificij Vi-
carius es, et Catholice religionis patronus, ac uin-
dex hereticæ prauitatis: aduersus seruos fugitiuos
istos, qui sedibus, ciuitatibusq; suis pulsī, obrepserūt
etiam ad nos: ut eiusdem prauitatis erroribus men-
tes nostras imbuant: quibus regiones circum-
circa infecerunt. Anne potuit maior pestis, ex
Heluetia in Poloniam importari? quàm à Franci-
sco Lismanino, et à Petro Statorio importata est?
qui dum ab omni eternitate Christum Mediato-
rem atque Sacerdotem faciunt, quid aliud sibi uo-
lunt? quàm ut ne Christus Deus, par sit apud nos
suo Patri? Si enim is offerebat, si supplicabat, si

A 4

sequester

EPISTOLA

sequester. si deprecator erat prius, quam de nostro aliquid offerendum pro nobis accepisset; quis negauerit, hoc statu, atq; habitu Christum natura ipsa sua diuina, quam solam offerebat, longè inferiorem esse Patre? At hoc Arrianum commentum, refellit illis uerbis apud pastores Angelus: Annuntio uobis gaudium magnum, quod erit omni populo, quia natus est uobis hodie Saluator, qui est Christus Dominus, in ciuitate Dauid. Non prius ergo Christus & Saluator & Mediator fuit: quam in ciuitate Dauid nasceretur. Et ut inceptit, ita desinet esse Saluator atq; Mediator, tum cum tradiderit regnum Deo Patri suo: quo in regno ille non iam Sacerdos, neq; Saluator, neq; Mediator, sed Rex erit regnans in domo Iacob in eternam: cuius regni nullus erit finis. Nam quod urgent uenefici isti illud: Tu es Sacerdos in eternum: ea uerba ad continuationem, serièq; temporum, nō autem ad illam infinitatem, quæ extremitatibus caret, referenda sunt. nunquam enim ad supremum usq; mundi diem: Christus in Ecclesia sua, Sacerdos esse desinet. Sed isti abeant cū suo Mediatore in malam crucem, malumq; cruciatu: cui nos nostrum uerum Mediatorem opponamus, & in illo acquiescamus: qui non antè, quam incarnatus atque natus est, Dei & hominum extitit Mediator. Quid altera illa Poloniæ labe Franciscus Stancarus, quid affert nobis ad communem pestem & ipse: Humanitas

DEDICATORIA.

nitate (inquit) sola Mediator Christus est. Sed heus tu, o scelerate, quid tandem ualebunt illæ ueridicæ uoces, ex occulto ipsius, Ecclesiæ missæ? Humanitas absque diuinitate non est mediatrix: Diuinitas absque humanitate non est mediatrix. Quin tu ipse, o Christe Domine, Spiritu oris tui interfice hunc impium: atq; ad eò ore tuo ueridice dic, quem te à nobis credi, atq; perhiberi uis? Ego sum (ait Christus) uia, ueritas, & uita. Dic queso, Christe planius, atque hoc, cuiusmodi sit, explana. Cur uia es? quia homo sum. Cur ueritas & uita? quia Deus sum. in humanitate mea uiatori patet uia: in diuinitate uerò propositus est illi finis, qui finis ueritas ac uita est: ut per humanitatem, tanquam per uiam ad diuinitatē, quæ ueritas & uita est, ex potestate Sathanæ uiator traducatur: atque in hoc fine postremum conuiescat. qui finis non extrinsecus Christo accidit, neq; extra humanitatem illius est, ut tu Stancare mentiris: sed intus in hac eadem uia inheret, ut Ecclesia Catholica credit, & docet. Ergo Stancare cum tua peste atq; pernicie, uel ultra Caucasum, atq; glacialē Oceanum (si lubet) hinc proficiscere: nos istum Mediatore, quē nobis obrudis, facili remittimus tibi, nos enim eum Mediatorem ueneramus: qui diuina atq; humana necessariò cōstat natura, ut humanitas eius, uia sit nobis in naturam ipsius diuinā: & ut in huius Mediatoris humana natura, iustitia Dei appa-

EPISTOLA

ret: ita in diuina natura eiusdem potentia luceat
neceſſe eſt. Sed nos quaſi æſtus quidam, à propoſito
abripuit, iuſtus dolor: quẽ ex temeritate, & impu-
nitate ſempiterna horũ latronũ capinus: qui in Po-
loniam, quaſi in deſertã aliquã ſolitudinẽ cum inua-
ſiſſent: religiones, mores, atq; leges noſtras patrias,
mutant, euellunt, delent: & quod dicitur, quadrata
permutant rotundis arbitrato ſuo: quodq; cõcedi in
Polonia ius non eſt ne patricijs quidem uiris, id nos
(proh dolor) conceſſimus ſeruis fugitiuis iſtis: ut
qui iam collũ in laqueũ apud ſuos ciues inſerebant,
ij Canones reſormatorios nobis cõſcribant, Remp-
mendent, atq; religiones noſtras patrias atq; aui-
tas corrigant. Sed faceſſant querelã, quibus nihil
proficimus: & quibus præſentem uitã ſtatũ fruſtrã
deplorare ſolemus. Ad te mœſtus redeo, Andrea
Peczlaui, cupio ſanẽ (ut dicere inſtitueram) abſ te
& ab ampliſſimi ſacerdotij tui collegio, hoſtis corũ
omnium, qui diſſidẽt à uobis, iudicari. Hoc enim am-
pliſſimum mihi eſſe duco: pro ea fide, quã Adalber-
tus Gneznæ: Stanislaus uerò Cracouiẽ, diuini uiri,
uobis tuendam reliquerunt: cum hereticis uſque ad
ſanguinem dimicare. quod me uelle, & in ea indu-
ctione animi atque uoluntate eſſe, teſt antur ſcripta,
actiones item atq; diſputationes noſtræ: quæ à mea
gratia multos auerterunt, cum detrimento nõ paruo
cõmodorũ uitæ degendæ. ſed ego lucra eſſe duco ma-
xima,

DEDICATORIA.

xima, pro ueritate hæc cõmoda ſtoccipendere, ma-
gnoq; animo, omnibus cõmodis poſthabitis, hos agi-
tare atque aſiduẽ infectari: qui præſtigijs mentes
noſtras ceperunt, atq; ueneficijs inſatuarunt iſtos
Liberos Bãrones noſtros, neſcio à qua parte Reip-
noſtræ proſectos: qui dum ſe liberos eſſe glorian-
tur, improbiſſimarũ Sectarũ facti ſunt ſerui. Quo-
rum gratia, uide quã me deprauauerit, & q̃ tar-
diorem me ad propugnandam Catholicam fidẽ fece-
rit. Confeſſionẽ enim eius fidei edo, atq; tibi trado:
quã niſi quiſq; fideliter, firmiterq; crediderit, ſa-
uus eſſe nõ poterit: in qua, tanq̃ in fronte mea ſit in-
ſcriptũ, quid ego de eccleſia Catholica ſentiam, &
quam fidem ſequar. Fremant ergo licet Arriani, at-
que Neſtoriani impij, atq; ſacrilegi iſti, huc ad nos è
media Heluetia mœtũ, furatum, raptũq; proſecti:
dum modò intelligãt, Dei beneficio, non deſſe Sar-
matis cõtra illorũ latrocinũ, atq; immanẽ perſidiã,
ſua præſidia: habereq; Poloniam Catholicum Regẽ,
pium Senatũ, fortiſſimum Archiepiſcopũ, ac
ſumma doctrina pietateq; præditos Episcopos: tum
Collegia ampliſſima ueſtra, doctis, atque nobilibus
uiris reſerta. Denique in Equeſtri ordine, non
deſſe uiros militares ſtrenuos: & eoſdem ad pro-
pugnandũ pro Eccleſia Dei, optimarũ artiũ disci-
plinis oruatos, atq; inſtructos: ut præ hac uniuerſitate
generis, ac nominis Polonici, hæc lues Heluetia
impura

EPISTOLA DEDICAT.

impura, uix minimi momēti instar habere uideatur.
Caterum, quod hanc Confessionem in tuo nomi-
ne edi uolui, duæ sunt causæ. Vna est, ut cum tu pro
auctoritate muneris, atq; officij tui Cracouiæ con-
tinenter cum Hæreticis bellum geras: habeas quasi
figuram, atq; habitum in promptu eius fidei, quæ ma-
iores nostri, tanquam depositum quoddam, cōmen-
darunt nobis, ad omnē posteritatē in Polonia trāse-
mittendam: ut aliquando istos ex imagine paternæ
fidei pudeat, à maiorum religione descivisse. Altera
causa est, cum tu in Barancianum meum, remotū in
Roxolania, atq; horridum rus, salutādi causa ad me
uenisses: fas non erat, absq; hoc xenio te hospitem
uacuum Cracouiā à me discedere. Huc etiā accedebat
letitia ingens, quam ex amplificato honore clarissi-
mi uiri Ioannis Ociescij regni Poloniæ Cancellarij,
te nuncio accepimus, cui tu Regio nomine, Sambo-
riensem præfecturam illustrem, uicinam nobis, nū-
per attribuisti. Cumq; non tantum homines, uerum
etiam agri propemodum, atque campi, syluis atque
segetibus obsiti, illius summi uiri honoribus letarē-
tur: nos immunes uideri, in tanto omnium gaudio,
minimè decere uidebatur. Itaq; hæc ipsa ἱεραία,
cum aliud nihil neq; maius, neq; melius; neq; te di-
gnius possumus: dare tibi uoluimus. Vale, nostri me-
mor, quæcunq; te habuerint terræ à nobis dissitum.
Datum in Baranczyce: 15. Mensis Iunij. An. 1561.

STA.

STANISLAI
Orichouij, Gente Roxo-
lani, natione verò Polo-
ni: fidei Catholicæ
Confessio.



Euerendissime Domi-
ne, vosque ceteri Pa-
tres amplissimi, audite
me: atque ex ore meo,
non autem ex delatio-
ne aliena, iudicate me:
confitentem eam fidem, sine qua, im-
possibile est placere Deo: quam qui
deferit: non potest iterum, teste Pau-
lo, renouari ad poenitentiam. Quæ fi-
des, est illa terribilis castrorū acies or-
dinata: aduersus quam non præualēt
inferorum portæ. Quæ fides, inquam,
tanquam signum ad sagittam, est pro-
posita: quo Sathā, à primo generis hu-
mani exortu, assidue iaculās, collimet:
nunquam tamē illam attingat: nunq̃
pro-

FIDEI CATHOLICÆ

propositum suum assequatur: Quod ipsi illud est summum, neglorificetur Pater in filio: ne uē cognoscamus uerum Deum, & quem ille misit, Iesum Christum: ut hoc credentes, uitā æternam habeamus in nomine eius. Hanc talem fidem Sathan, in parentibus nostris, illis primis, perfidia violabat: hanc eandem diluuiū obruebat: posteaque Aegyptiaca seruitute vexabat: tum varijs casibus, desertæ solitudinis, extinguēbat: denique, captiuitate Babylonica, loco suo pellebat: postremò, morte ipsius Christi, atque tot martyrum intermissione, de medio tollebat.

Quam etiam, cum illam vi, impetuque, eruiere non posset: dolo, atque fraude adortus, tot, ac tantis, longè, lateque, hereticorum erroribus diffusis, affligēbat, atque delebat. Excitabat enim initio Hebionem, contra Trinitatis essentiam: Arium, contra Christi diuinitatem: Manichæum, contra eiusdem humanitatem: Macedonium, contra Christi

CONFESSIO.

Christi Spiritum: Eutichetem, contra ueritatem in Christo humanæ carnis: Nestorium uerò, contra incarnatum uerbum. Mitto alios ministros, atque satellites Sathanæ: per quos ille, radicatus euellere, atque exterminare ex animis hominum, ueram illam, atque salutarem fidem, est conatus. Sed cum illi in capite ipso nihil prodesse doli: in eius capitis corpus, quæ est Ecclesia Dei uiui, columna, & firmamentum ueritatis: fures illos, atque latrones suos, Aerium, Viclephum, Hulsium, Luterum, Zuinglium, Caluinum, Brencium, atque Stancarum (pretereo alios infinitos) immisit: ut per hos corpus hoc Christi, mirifice aptatum, ac descriptum, compositumque, & compactum, atque coagmentatum, omni errore diuelleret, atque distraheret, diriperetque: funditus. ut in hoc corpore, effusis errorum tenebris, non purum uerbum luceret nobis: non sacramentis gratia Dei mentibus nostris insueret: non statim

FIDEI CATHOLICAE

tis sacrificijs peccata expiarentur nostra: non, denique, obedientia, obseruantiaque superioris potestatis inter nos restaret vlla: vt ita cœci, ingrati, scelesti, exleges, atq; vagi, impiâ viueremus vitam: fide, spe, atque charitate cassam: itaque Deo odiosam. Atqui, ab hac damnata vita, vt me alienum esse, & præsens, & sequens generatio cognoscat: exponâ breui, in hoc sacro cœtu, coram vobis: eam fidem, quam ego ex libris scriptam non didici: sed quâ à maioribus meis, per manus traditam accepi: & quam etiâ ex vberibus matris meæ cum lacte expressi: atque hausi: quam puer colui: et cum qua vir adoleui: & in qua etiam, in hoc ætatis meæ flexu, mori statui. Quâ, dum vobis pura oratione, sine omni verborum fuco: planè, & absque conditione expono: oro, obtestorq; vt me benignè, attenteque audiat.

CONFITEOR itaq;, ante omnia, me natum, susceptum, ac Deo dicatū esse
in

CONFESSIO.

in ea Ecclesia, quæ Catholica dicitur: id autem est, quæ est vbiq;: & quæ ab ortu solis, vsque ad occasum, more, rituq; vario, laudat nomē Domini: quæ nihil aliud est, quàm homines ipsi, vna fide, vno Baptismo, in vno Deo collecti, ex omnibus gentibus, & linguis.

Talis Ecclesia, præfigurata fuit per Noë arcam: quæ, super omnes diluuij fluctus, eminebat sola: in qua animalia fuerunt munda, & immunda: hoc est, homines boni, & mali. Hæc eadē etiam promissa fuit Abraham, stellarum multitudini equiparâda: vt enim quoquo versus cælum aspicias, stellas videas: sic etiam, quamcunq; in partem orbis te contuleris: homines inuenias, qui ciues sanctorum, & domestici sunt dei. Atqui hæc est illa Hierusalē, quam Zacharias Propheta, absq; muris habitam iri tacitò antè prædixerat: præ multitudine hominum, id est, Iudæorum: & iumentorū, id est, gentium in ea. vt enim Hierusalē illa mu-

B ro clau-

FIDEI CATHOLICAE.

ro clauderetur : sic Ecclesia Catholica, præ multitudine hominum, clauditur cælo : & ipso ortu, occasu, meridie, atq; septentrione terminatur : bonos iuxta ac malos continens. Quod sanè Dominus noster, sagena missa in mari, designauit : in qua pisces erant cuiusque generis, tam boni, quàm mali. Quàm sanè Ecclesiâ, ita in Psalmo describit, ac definit, David : Reminiscetur, & cōuertentur ad dominum vniuersi fines terræ : & adorabunt in conspectu eius vniuersæ familiæ gentium.

Huic Ecclesiæ opponitur Hæresis : & quoniâ id, quod vniuersali aduersatur, particulare dicitur : ideo, si Ecclesia est vniuersalis : Hæresis certè quidē omnis erit particularis : hoc est, erit in parte aliqua : nō aut erit vbiq; : vt, verbi gratia : Arriana hæresis, apud solos Machometanos manet : Donati, apud solos Afros : Luteri, apud solos Vittenbergen, aut si qui præterea dispersi in nonnullis partibus Ecclesiæ, veluti spinæ inter

CONFESSIO.

næ inter rosas delitefcūt. Eâ igitur Ecclesiâ ego probō, & in ea viuō : quæ vbiq; est : quæ totum mūdum possidet : & in qua Christus dominatur, à mari vsq; ad mare : omne aut id, quod in aliqua parte est : & quod cū hac Ecclesia pugnat : dāno, & repudio : atq; hēresim appello : vocoq; esse Anathema : siue homo, siue Angelus auctor illius sit.

In hac Ecclesia Catholica, profiteor esse ministros Christi, & dispensatores mysteriorum Dei : non ab homine, sed ab ipso Dei filio, Ecclesiæ datos : in opus ministerij, ad consummationem sanctorum : inter quos, alij sunt Apostoli, alij Prophetæ : alij autem Euangelistæ : alij autem Pastores, ac Doctores. Quorum ordines, cū à Christo, spiritali Sacerdote, atq; Rege, in Ecclesia sint instituti : cōdemno eos, qui dicunt Politicè, hoc est, voluntate humana, ordinem ministrorum esse in Ecclesia institutū. Vt enim nō Solon, neq; Draco, neq; Lycurgus

FIDEI CATHOLICAE.

curgus, homines seculares, cōdiderūt Ecclesiam: sed Christus Deus & Dominus noster: sic neq; secularis, neque Politica dispositio ordinū, in Ecclesia Dei est: sed diuina, quæ fundata est à Dño Iesu, vero Deo, & Dño nostro, illis verbis: Sicut misit me Pater, & ego mitto vos, &c. His verbis adducto, credo inter ministros Ecclesiæ esse ordinem Hierarchicum: hoc est, ordinē illum, qui ad cælestis regni exemplū, statum militātis Ecclesiæ, in terris ita contineat: vt triumphantem Ecclesiā, cælestis ordo continet. Quo in ordine, Deus princeps est: cuius vi, nutu- que, visibiliter cælestia illa reguntur. Ad quam formam Ecclesia militans instituta, habet caput suum visibile sacrum: vnde omnis illius ordo derinatur, à priore ad posteri: à capite Christo manās, per ministros visibiles: per quos salutem nostram Deus, inuisibiliter in terris operatur. vt igitur Ecclesia triumphans, ita & militans simili ordi-

CONFESSIO.

ordine prioris ac posterioris continetur. Quem ordinem, ita ciuitatibus, atque regionibus, prouincijsq;, descriptum intelligo: vt illius descriptiōem, Nicœna prius, deinde Chalcedonensis Synodus, pro veteri more, descripsit.

Cōfiteor, inter hos ministros, Principem: id autem est, priorem, siue primum, non dominum, sed ministrum esse, Petrum: non illum Galilæum Simonem, qui perfunctus Petri munere, iam olim decessit: Sed Petrum, hoc est, hominem: qui hoc nomine, pro auctoritate muneris, & officij, à Christo in Ecclesia inuituti, ad salutē ouium Christi, vtitur: qui nunquam moritur, sed semper successiōe viuūt: estq; in Ecclesia, fuit, eritq;, vsq; ad consummationem seculi. Cui Analogicè, hoc est, per prius, & per posterius, cum socijs promisit Christus Clauēs regni cælorum, hoc est, administrationem Ecclesiæ suæ, illis verbis: Tibi dabo

FIDEI CATHOLICAE

claves. Cui etiam post resurrectionem promissas tradidit: dicēs: Pasce agnos meos. Quicumque igitur agnus Christi est, pascitur à Petro: siue is fuerit Apostolus, siue Propheta, siue Euangelista, siue pastor, ac Doctor. Denique sacer ille plebsue sit, pascatur à Petro necesse est. Credo itaq; ceteros omnes sanctos, in Ecclesia Catholica agnos Christi esse: solum autem Petrum pastorem esse omnium: Cuius pastoratus nihil aliud est, quam cura diligens: vt in ouili Christi, ordine alij doceant, alij autem doceantur: vtrique autem Euangelij præscripto uiuant. Ad hoc enim accepit à Christo Iesu gratiam & Apostolatam Petrus: vt obediatur fidei, in omnibus gentibus, pro nomine eius: & non propter rem vllam aliam.

Hunc Petrum à primo Ecclesie exortu, inferorum oppugnant portę: tamen non præualent, neq; præualebūt: fundatus enim est supra petrā, Christum

CONFESSIO.

stum Iesum. Homines em̄ superbi, & dissoluti, cum pastoralis Petri imperio offenduntur: vt venti Aeolum, sic isti non ferunt Petrum: nam illos Petrus vinclis, hoc est, Euangelio frenat: ac carcere, hoc est, certa iurisdictione, domat: Habet enim hoc Petrus, vt & doceat, & coerceat. Igitur, confiteor, Petrum priorem esse Ministrū, in Ecclesia Dei: tam ratione ordinis, quam ratione iurisdictionis: vt is, & doceat, & instituat: ac iudicet reliquos omnes agnos, recto ad Euangelium incedens pede: cui sententię aduersari, dico esse anathema.

Credo, confiteor, & nullo modo dubito, hunc Petrum Romę viuere: eiusq; sedem ibi, nutu diuino, non autem à Focate Imperatore, aut ab vllō alio quouis homine potente, aut callido, collocari: in eoq; scio me non falli testimonio, vtiq; ipsi Ecclesie vniuersę: quæ cum sciret, sibi pastore à Dño

FIDEI CATHOLICAE.

datum esse Petrum: eum in omnium
seculorū memoria, nusquā alibi gen-
tium, quā Romæ requisivit. Huius
itaque Ecclesię vniuersalis testimoni-
um secutus, damno eos: qui dicūt ita
Engubij Petrum esse, vt est Romæ: di-
coq;, attestante mihi vniuersa Eccle-
sia Catholica, Engubij Petrum non
esse: sed ouem Petri: quam in partem
solicitudinis suę, vocauit Petrus. Hūc
Petrū, omnis vetustas appellauit Pa-
pam: id autē est, Patrem Patrū: cū
enim quatuor sint vniuersales pari cū
potestate Patriarchę, quasi principa-
lioies Patres: à quibus ordinatī Pro-
ficiscūtur Archiepiscopi, deinde Epi-
copi, postremò Parochi: tamen solus
Petrus, vocatur Papa proprio modo:
quòd reliqui omnes, etsi Patriarcha-
tu ipso sint pares cū illo: tamē Pasto-
ratu ipso ab illo differunt: illique pri-
mas in Pastoratus munere concedūt.
Quamobrem damno eos, qui dicunt
istos pares esse Pastoratu Patres, neq;
quic-

CONFESSIO.

quicquā inter illos interesse: cōfun-
dunt enim ordinem in Ecclesia à Deo
institutum, ac Deo aduersantur ipsi:
qui dedit in Ecclesia, alios quidē Apo-
stolos, alios verò Prophetas, alios au-
tem Euangelistas, alios autem Pasto-
res, & Doctores: quibus tamen omni-
bus, pastorem Petrum præpositum es-
se voluit. qui hunc ministrorum ordi-
nem cōfundit, aut illi aduersatur: Dei
ordinationem confundit, & illi aduer-
satur. Credo etiam, ac confiteor, nul-
lum omninò legitimum Archiepisco-
pum haberi: nisi, aut per communica-
tionem sacri Pallij, aut per dextras so-
cietatis, aut per aliud modi istius Sym-
bolum, fidei, atq; pacis Episcopalī, &
charitatis mutuę, à suo Patriarcha,
cuiq; Archiepiscopo communicati.
Nego etiam Episcopos eos esse, qui à
legitimis Archiepiscopis non sunt cō-
secrati: Presbyteros etiam non esse af-
firmo eos, quibus Episcopalī manus,
legitimè non est imposita: & qui aut
B 5 missi

FIDEI CATHOLICAE

missi ad dispensationē Ecclesiasticā ab Episcopis non sunt: aut ab Episcopis iurē, ac meritō, depositi sunt. Dāno ergo omnes eos, ac pseudopresbyteros, ac pseudoepiscopos appello: qui aut nō sunt missi ab ordinaria potestate, quā clauibus Dominus commendauit Petro: aut legitimē depositi, se ingerunt in procurationes Ecclesiasticas: dicoq; omnes tales esse fures, & latrones, quōd illis ostiari Petrus, ostium Ecclesiæ, claue utiq; sibi à Domino concredita, non aperuit: sed ingressi sunt in Ecclesiam aliundē, vt furerentur & mactent.

Firmiter credo, & nullatenus dubito, quemlibet fidelem, vni alicui, harum quatuor sedium Patriarchalium subijci oportere: aut Romanæ, aut Constantinopolitanæ, aut Alexandrinæ, aut Antiochenæ: nulliq; Sedi harum quatuor subesse, dico hæresim esse: atq; Anathema voco.

Firmiter credo, & nullatenus dubito,

CONFESSIO.

to, malis moribus ministrorum Ecclesiæ, & peccatis, sceleribusq; illorū, vim & auctoritatem ministerij ipsorū, non minui: sed ita, verbi gratia, Iudam Iscariotem, vt Iacobum iustum, ministrare in Ecclesia Dei: vt inter personas ministrorum, multum differat: inter ministeria verò ipsorū, nihil omninō differat: vt enim vinum, æquē per auream, vt per fictilem fuit cannā: sic, salutaris sacramentorum vis, æquē per bonum, vt per malum ministrū, profuit, ad hominum salutem.

CONCLUSIO.

Igitur, his ego ministris Ecclesiæ, in hunc modum, per prius, & per posterius, in Ecclesia Dei, à Domino Iesu dispositis, subiectum me esse profiteor, tāquam prepositis: qui ita pro me vigilare debent, vt rationem reddaturi. Horum etiam potestatem ligandi, atq; soluendi, agnosco: Cēsuras illorum, rum excommunicationes, & iudicia, siue illa iusta sint, siue iniusta metuo;

FIDEI CATHOLICAE

metuo: vt in illis metuam eum, cuius illi ministri, ac dispensatores sunt: Christum Iesum, Dominum meum: cui rationes reddet olim praepositi mei, quatioc illi iudicauerint aut ligauerint me: qua culpa, quove comerito meo. Atqui haec ita, vt cofiteor, etiam coram Deo, cui omne cor patet: credo.

DE MINISTERIO ECCLESIASTICO.

Dixi de Ministris Ecclesie, nunc dicam de illorum ministerio: nam duabus rebus Ecclesia Catholica insignis est: nempe ministro, & ministerio ipso: de vno iam professus sum, de altero coram vestra Reuerendissima P. in hoc sacro coetu, nunc profitebor. Dico itaq; ministerium omne Ecclesiasticum, positum esse in duobus: nempe, in vera Christi doctrina, & in legitimo Sacramentorum usu. doctrinam duabus rebus contineri dico: Scripturis Canonis, & ipsius Ecclesie traditioni-

CONFESSIO.

tionibus antiquis. Quare, eiusdem auctoritatis, atque veritatis de doctrina Christi dico esse: id, quod in libris Canonis continetur: cum eo, quod in traditionibus est positum. Dico itaq;, quod apud omnes Christianas gentes per æquæ traditione custoditur, eiusdem rationis esse cum eo, quod libris Biblicis continetur: Vt enim illa veritas scripta in tabulis, puta lapideis: sic ista traditio, in tabulis cordis carnalibus, digito Dei descripta est. cui aduersari, æquæ, vt Euangelio scripto: heresis, atq; scelus est immanissimum.

Confiteor etiam, doctrinam Christi descriptam, tam in tabulis librorum, quam in cordibus fidelium (vti iam dixi) me non aliter intelligere: quam illam intelligit vniuersa ecclesia Catholica: hoc est, omnis Christianorum natio, toto terrarum orbe diffusa: à cuius Ecclesie sensu qui aberrant, aut qui suas sententias illi aduersas praeferrunt, dico esse damnatos, ac damnandos

FIDEI CATHOLICAE

dos hæreticos: quorū superbia ascendit semper, vt altum sapiant, neq; humilibus consentiant.

DE SACRAMENTIS.

Credo, & firmiter teneo, Sacramēta in Ecclesia esse nihil aliud: quā medicinā quandā, ex sinu Dei Patris depromptam: & ad nos infirmos homines sanandos à Domino Iesu cælirūs deportatam, vt Sacramentis Ecclesiae sanemur: & donis per hæc cælestibus imbuamur: ac his reddamur certi, de gratuita illa gratia Dei erga nos, quā docet nos doctrina Christi. Quibus sanè Sacramentis, eos, qui addūt, aut demūt aliquid, hæreticos esse impudentissimos, & intemperatissimos, conuincit Catholica fides.

Credo, & firmiter teneo, Sacramēta Ecclesie, eo numero, ordine, ac modo, quo illa esse, Ecclesia Catholica ad hanc diem credit, ac tenet: inter quæ, primo loco Baptismus est: quo Sacramen-

CONFESSIO.

ramento, vetus homo noster crucifigitur, ac consēpелitur cum Christo: vt originalis perfidia, & Adæ culpa, aboleatur in nobis, per lauacrū aquæ: peccataq; nostra, tā innata, quā acquisita, deleantur Baptismo illo: cuius Baptista Christus, solus auctor est: qui nos humano ministerio baptizat spiritu sancto, & igni. Et quoniam illa regeneratio hominis, mersione cōficitur: ideo confiteor, illa omnia, ex sufflationem, sal, lutum, oleum, aquā, atque chrisma, factō & exemplo Christi, ad mersionem baptismalem, ritè in Ecclesia adhibita esse. ita tamen, vt in his, alia sint essentialia, alia verò accidentalia ipsius Baptismi, omnia tamen, in Baptismo sint efficacia. Dominus enim Iesus, cū dixisset discipulis: Euntes baptizate, non expressit rem, in quo esset baptizādum: *Carrisup* enim, quod est mergere, & aspergere: generale nomē omniū humidorū est. Quare illi duodecim Apostoli, suggerente

FIDEI CATHOLICAE

gerente illis Spiritu sancto, cum recor-
dati essent: Dominum, & sufflassee post
resurrectionem in discipulos: & salem
se appellasse: & luto, oculos caeco, au-
res surdo, linguam muto reddidisse: &
eiectionis demonijs, oleo agros vngi vo-
luisse: & oportere nos ex aqua, & spi-
ritu nasci denuo, dixisse: & Christia-
nos nos à chrismate vocitatos esse:
Ideo Apostoli Baptisum, hoc est,
merisionem, in regeneratione homi-
nis celebraverunt: omnibus ijsce re-
bus, quorum nullum est, quod humi-
dum non sit: atq; ita (dubio procul)
Ecclesiae Catholicae mergendum esse
tradiderunt. Quapropter, eos omnes,
qui instituto Zuinglianorū, atq; Lute-
ranorum, per summum Ecclesiae con-
temptū, ex Baptismo eiecerūt illa ele-
menta humida: statū, sal, lutum, oleū,
atq; chrisma, insignes, atq; ab ipso do-
mino usurpatis merisiones: tales oēs,
dico esse, ac fuisse, & fore sacrilegos he-
reticos. eos autem, qui taliter ab hæ-
reti-

DE CONFESSIO.

reticis baptizantur, ita baptizari affir-
mo, vt est baptizatus Pharaon, in mari:
aut coruus in diluuiio. Damno etiam
eos omnes: qui absq; Baptismo, infan-
tes fideiū decedentes, saluari docent.
damnantur enim illi: quia nati sunt
filij iræ. parentum etiam fides, illis ad
salutē, extra Baptismū, nihil prodest:
quia parētes, non ea parte, qua sunt fi-
lij lucis, sed qua sunt filij seculi, liberos
generant: & eosdem in peccatis con-
cipiunt, Psalmo teste: Ecce enim in ini-
quitatibus conceptus sum, & in pecca-
tis concepit me mater mea. Ad quod
insitum, & naturale malum, in nobis
delendum, in eodem Psalmo remediū
proponitur nobis: Amplius laua me
ab iniquitate mea, & à peccato meo
mūda me. Nemo igitur, nisi ritē in Ec-
clesia lotus & baptizatus, potest intra-
re in regnum Dei. Baptismus ergo, nō
habilitatis, neq; signi, neq; consuetudi-
nis, vt hæretici arbitrantur, res est: sed
ineuitabilis necessitas, Domino testifi-
cante:

FIDEM CATHOLICAE.

cate: Nisi quis renatus fuerit, ex aqua, & Spiritu sancto: non potest introire in regnum Dei. Ita de Baptismo sentio.

SEQVITVR matrimoniu: de quo illud breuiter dicam: mihi illud, testimonio Pauli Apostoli, in omnibus honorabile videri: de quo, quum iuxta uxore docuerim, quid sentiam, verbis hic non agam: ne verba, rebus videar antepondere: illud tamen dicam, me credere: non aliter, Sacerdotibus matrimonium esse liberum quam quoad illud Vniuersalis Ecclesie Canones illis liberum esse voluerunt: hoc est, si Sacerdos post consecrationem nubat, sacerdotiu amittat: retrocedit enim, & ex maiore virtute, in minorem delabitur.

Quod cum vitiosum sit: semper enim porro, non retro progredi proficietes ad Deum debemus: ideo hic regressus, abrogatione sacerdotij Canonu praescripto punitur. Sed hanc causam auctoritati Ecclesiae relinquo.

SEQVI-

CONFESSIO.

SEQVITVR Poenitentia, quam inter sacramenta, more vetusto, pono: quae instituta a Domino est, ad deprimendam superbiam nostram natiuam: ut enim tollit, ac sanat, in nobis Baptismus perfidiam, Matrimonium vero impudicitiam: sic etiam tollit, ac sanat in nobis, Poenitentia, insitam superbiam. cuius tres partes sunt: Contritio, Confessio, & Satisfactio. Cuius vis, maxime in eo cernitur: cum contriti, & ad ministri pedes abiecti, proprio ipsi nos condemnamus iudicio: confitentes alterutrum peccata nostra, quo grauius nihil potest esse. Et quoniam peccando offendimus Deum, precepta illius transgrediendo, & proximum laedendo: ideo in aures Ministri, tam Deo quam proximo confitemur, instituto utique Christi: qui filium prodigum inducens, ita illum confiteri facit: Pater, peccaui in coelum & coram te: iam non sum dignus, vocari filius tuus. Quid coelum est aliud, quam Angeli, & homines

C 2 sancti,

FIDEI CATHOLICAE

sancti, in quibus habitat Deus? Quid Pater ipse? quàm Deus, in cœlo habitans? Porro, cœlorum nomine, homines sanctos intelligi, testatur Psalmus ille: Cœli enarrant gloriam Dei. &c. Dico itaq;, atque confiteor, Ecclesiam ritè confiteri, cùm dicit: Confiteor Deo, quia mandata eius transgredimur: & omnibus Sâctis, quos tam militantes in carne, quàm triumphantes in cœlo, varijs scandalis offendimus: quos ipsos etiam, confitentes alterutrum peccata nostra, lætitia afficimus: idq; teste Domino, qui dicit Gaudiū esse magnum, in cœlo, coram Angelis Dei, super vno peccatore, pœnitentiā agente: scilicet, & peccata confitente. Quamobrem eos, qui aut confessionem totam funditus tollunt: aut ex Confessione Ecclesiastica illud, Cōfiteor omnibus Sanctis, eiiciunt: dico esse sacrilegos, & hæreticos superbos: quorum alij, per confessionē, humiliari, coram Sacerdote, sub potenti manu

CONFESSIO.

manu Dei, nolunt: alij verò Sanctis Dei, quos tam triūphantes, quàm militantes per superbiam læserunt, confiteri peccata, & illis nolunt satisfacere: Qui sancti, inquam, cum capite suo Christo, Christus vnus est: & dum Sâctis confitemur, Christo toti, qui est cum Sâctis suis caput & membra, hoc est, integer Christus, confitemur.

DE SATISFACTIONE, quæ est tertia pars Pœnitentiæ, quod sentit Ecclesia Catholica, idem credo: quæ, cùm ex altera parte confessioni respondeat, dico illam bifariam diuidi: vt eius vna pars, ad Deum, in quem peccamus: altera verò, in Ecclesiā, quam lædimus: referatur. Cùm enim cor contritum, & humiliatum Deus non despiciat: opus est, cùm pœnitemus, ita dolere nos: vt illud, quod admisimus, si fieri posset, admissum esse nollemus. Ex qua ratione, pœnitentia Græcis *μετάνοια* dicitur: quod videlicet, mutemus mentem: vt quos antea delectabat peccatum,

FIDEI CATHOLICAE

tum, poenitentes idem peccatū, dolore afficiat. Sed hoc non est satis : nam & Caim, & Saul, & Iudas, poenituerunt : qui tamen damnati sunt. Opus itaq; est, ad poenitentis dolorem, fide : qua credo, mihi per amarissimam passionem Domini nostri Iesu Christi, peccatum dimitti : qua de re, certū me facit absolutio ministri : qui me seruū peccati, virtute clauū, ex vinculis absoluit : quia qui facit peccatum, seruus est peccati : à qua seruitute graui, & difficili, vt liberemur : Christus penes ministros suos, potestatem esse voluit, ligandi atque soluendi. Et quoniam peccando, infirmitate, & intemperantia carnis offendo proximum : ideo illi omnibus rebus, quibus possum, in carne mea, satisfacio : & precibus, & ieiunijs, & afflictionibus : dandoq; & reddendo : & omnibus illis rebus, quę cor contritum, & humiliatum, consequuntur. Damno itaq; eos omnes, qui ex poenitentia, satisfactionem sustulerunt :

CONFESSIO.

runt : dicentes pro nobis satisfecisse Christum. quod quidem verum est in capite vtiq; ipso Christo : sed vt etiam nos poenitentes, suppleamus ea, quę desunt afflictionibus Christi, in carne nostra : opus omnino est. Si enim passus sumus in capite : patiamur etiam in corpore. hoc enim adhuc deest, afflictionibus CHRISTI. Quare qui poenitentię sacramentum, ē sacramentis eiiciunt : aut illam contritione, confessione, atque satisfactione, non definiunt : omnes credo, æqualiter esse peruersos : atque damnandos, hæreticos :

SEQUITUR CORNA : in qua firmiter credo, verum corpus, & verum sanguinem, ab ministris offerri : sacrificante, ac seipsum tum offerente, summo Sacerdote, Christo Domino, sacerdotis manu. dicoq; virtute verbi, quo factum est cælū, & terra, in sacrificio altaris, panem transire in corpus, & vinum in sanguinē : ita, vt nihil omnino

FIDEI CATHOLICAE

in sacramento illo remaneat de essentia panis, neq; vini: sed tantum remaneant post consecrationem accidentia illa, quæ sunt de prædicamento quantitatis, & qualitatis: quæ tactu, gustu, atque visu, à fumente percipiuntur.

Quicquid verò in pane, ac vino fuit, de prædicamento substantiæ: id totum transubstantiatum esse, atq; abiisse, verbo Dei, in corpus, atque in sanguinem: illudq;, quod ibi sub illis speciebus est dico esse, verum, ac viuum, corpus Christi: ita tamen, vt tam sub panis specie, quam sub specie vini, totus, atq; integer Christus maneat: præsentialiter, atq; corporaliter. Itaq;, verè in sacramento altaris, verus Christus inest: vt in prædicamento substantiæ, nõ autem, in alijs prædicamentis, corpus Christi consideratur.

MISSA.

Credo atq; confiteor, Missam sacrificiũ esse, tam pro viuis, quam pro mortuis: illius sacrificij, cruēti, in cru-

cc

CONFESSIONE

ce peracti: tanquam instar quoddam, in quo ad vnguẽ exprimuntur omnia, tam essentialia, quam accidentalia, Christi mortis. In Missa enim annuntiatur mors Christi, oblatiõe vera corporis, atq; sanguinis Christi: tum verbis, signis, atq; ornatu ipso, atq; omni cultu: ita, vt cum ad aram sacerdotem, illo ornatu, atq; actu, assistentem videas, ipsum Christum, ad aram crucis assistentem, videre te credas. qui etiam inibi præsens est: ipse sacerdos, ipse sacrificium, ipse oblatio, pro nobis, ministerio humano, apud Deum re vera in Missa existens. Damno itaque ego coenas sacramentarias: siue illæ Luthe ranæ, siue Zuinglianæ, siue Stancaranæ sint. omnes enim istorum nebulonum coenæ, nihil, nisi meræ prætigiæ sunt: carent enim Christi corporali præsentia. quem corporaliter, in terris, nobiscum viuere: ac sacramēto altaris, personaliter adesse: isti pernegāt. Carent etiam, ministro legitimo:

C 5 nam

FIDEI CATHOLICAE

nam sacramentum repudiarunt ordinis. Carent intentione consecrandi. Deniq; ipso carent verbo: neq; enim illud, HOC EST CORPVS ME-VM purè, vt profertur, sed peruersè, accipiunt: impiè illa verba, Hoc est corpus: pro, significat corpus, intelligentes. Ita isti, contra Ecclesiæ Catholicæ fidem, atq; eius traditionem, purum, atq; sincerum verbum, manifesto sacrilegio violant: atq; adulterât. Postremò, Coenæ Sacramentariæ, deposuerunt sacrificantis Christi vestitum: idque iusto Dei iudicio. Nam in illorum coenis, nō versatur ille Christus: qui pro nobis captus, & ad palum alligatus, & apud Herodem veste alba illusus, & apud Pilatum purpura irritus, atq; spinis coronatus, deniq; cruci affixus fuit. Nulla etiam in illis coenis, accèdi videas lumina: amiserunt enim lumen fidei: cœciq;, Sathana Chorgo, densis coenant in tenebris. vt in illorum coenis de coena illa Christi suprema:

CONFESSIO.

prema: præter panem, vinum, Iudam; Diabolum, atq; noctem, nihil restet amplius. Quas ob res, istas ego coenas condemno: atq; laqueum eas esse dico illum, quo traditor ipse, se olim suspenderat: Iudas.

CREDO atq; confiteor: Missam, id est, mortē Christi (Hebræis enim Missa, vocabulum mortis est) nisi tribus linguis, ita, vt canitur: alia lingua cantari fas non esse. Nam Missa, cū ex altera parte ipsi Titulo respondeat: idem enim Titulus legēdo, quod Missa cantando declarat: vtrumque enim mortem Domini annuntiat. vt Titulum, nisi Hebraicè, Græcè, atq; Latine, scribi aliter fas nō est: ita Missam, nisi eisdem tribus linguis, celebrari secus fas non erit. Cū enim sacrificium Missæ, ad amissim exprimat, crucis sacrificium: nihil debet in exēplo, quod Crux est, reperiri idē: vt nō exprimatur in ipso exēplato, quod Missa dicitur. Itaq; habet Missa, Hebraica illa

*De rigore
Canonis di-
ctum putat.*

FIDEI CATHOLICAE

ca illa verba: Amen, Halleluia, Hosanna, Cherubin, Seraphin, Sabaoth: Postremo, totus ille actus Sacrificij, Missæ, id est, mortis nomine, concluditur, vociferante Sacerdote ad populum, Ite Missa est: id autem est, Domum abite, mors Christi vobis annunciata est. Porro, Missa, itidem vt Titulus, verba etiam habet Græca: quorum sunt illa, Kyrie eleison, Christe eleison: Agios, Ischyros, Athanatos. Græcè sic: κύριε ἐλεῖσον, χρίστε ἐλεῖσον. ἅγιος ἰσχυρὸς, ἀθάνατος, ἐλεῖσον ἡμᾶς. & quæ sunt eiusdem modi. præterea, Missa, verba habet Latina, alia omnia. Vnde constat, Titulum atque Missam, reciproca esse vocabula: vt Missa aliud non sit, quàm Titulus loquens: vt vicissim Titulus, aliud non est, quàm Missa tacens. Quòd si quægens, pro Latina lingua, Hebraicis, atque Græcis vocabulis retentis, vernaculam linguam in Missa vsurpat: id indulgentia, nō rigore fit Canonis. qui Canon, inquam, rigidissimus cū sit, nun-

CONFESSIO.

nunquam se submittit humano ingenio: neque mysteria sua mutat, cuiusquam arbitrio. Quamobrem, damno omnes istos: qui linguam, atq; ritum mutarunt Missæ: illamq; à Titulo fecerunt diuersam, atq; dissimilē. Damno etiam, & vt contagionem quandā, pestemq; communis vitæ, Franciscum Stancarum, Mantua fugitiuum, ac Nestorianum hæreticum, detestor: qui, nisi vernacula lingua, Missam aliter haberi fas esse non putat: idololatriamque, cantu vsitato, in Ecclesiæ Missæ committi arbitratur: mentiens Spiritui Sancto, ac Titulum commutans: quod nec Pilatus quidem, scriptor Tituli, facere fuerat ausus. Atq; ita ego, de toto hoc Missæ sacrificio, sentio.

CREDO etiam, à Sacrificio, aliam esse communionem laicam: quæ ritè, tam vtraq; quàm vna specie transigitur, vt in Græcorum Ecclesijs est: apud quos, hi, qui sacro interfunt, vtramq; speciem: illi verò, qui agrotant domi, alteram

FIDEI CATHOLICAE

alteram tantum panis speciem accipiunt : non minus se, sub vna specie putantes accipere his, qui in templo speciem accipiunt vtriusque, idque pie, ac verè. neque enim species illæ rerum, sed res ipsæ, in speciebus illis cõtente, sunt nobis salutare. Christus etiã in Cœna ipsarum specierum nõ meminit: sed ipsas res, hoc est, corpus, & sanguinem suum, in os nostrum ingerit.

Quamobrem, & qui vtramque speciem sumit: non se plus credat sumere illo, qui sumit vnam. & qui vna specie communicatur: non se credat minus sumere, quàm si communicetur vtraque specie: modò firmiter credat, corporaliter sub sacramento illo, se verum, viuum, & integrum Christum, ore suo sumere. Ad quod sumētis os, si præstò adest fides: Christus ille, corporaliter in sumentis ore præsens, in mentem hominis illabitur, & illam illuminat: corpus recreat: totumque hominem reficit, atque sustentat.

CONFESSIO. 17

sistentat. Quòd si abest fides: Sacramenta quidem, atque species illæ, dentibus præmuntur: ipse verò Christus, inconsumptus, atque inconcissus manet: fictum illum, atque perfidum, mirabiliter effugiens.

Quomodo autem, eodem temporis momento, corpus Christi in cælo, & in terra, simul sit? quærendum non arbitror: excedit hoc humanum captum. Deinde, vbi modus existendi rerum occultarum quæritur: ibi fides periclitatur. Satis illud sit nobis scire, Sacramentum hoc, communitati, non autem diuisioni, esse tributum.

Porro, in communitate Christiana: credētium cor est vnum, & anima vna. Quare, non est alienum à potentia diuina: vt in pluribus sumentibus, vnus & idem sit Christus. qui tamen plures homines, per fidem, atque per charitatem, vnus homo sunt. Atque, huius rei, in ipsa etiam natura, impressa

FIDEI CATHOLICAE

pressa videmus vestigia. nam in mille speculis, eadem facies cernitur : & in mille auribus, vna & eadem proferētis auditur vox. si hoc natura efficit? vt eadem res, eodem momento, diuersis existat in rebus: quantò magis, Deus ipse, parēns, atque creator naturæ, potest efficere: vt corpus Christi, cœlum, atq; terram, tum fidelium suorū mentes, ipso se, vno, & eodem tempore, compleat.

Quamobrem, damno, & anathematizo, Sacramentarios sacrilegos : qui corporaliter, hic in terris, nobiscū versari, & in Sacramēto præsētem, negant adesse Christum.

Damno etiam, & anathematizo, Franciscum Stancarum, Nebulonem sceleratum: impiè affirmantem, cœna in suprema, merum panem, ad vescendum: corpus verò, ad crucifigendum tantum, fuisse traditum. apertè enim, atq; disertis verbis, idē corpus in cœna datur: quòd postridiè crucifigitur.

Præter

CONFESSIO: 111

Præter hos sceleratos homines, atque impios, damno etiam Samuelem Monachum quēdam, Apostatam: qui sub specie panis, cadauer Christi mortuum, absq; sanguine, sumere nos mētitur eo enim statu, quo est nūc Christus, sumitur: & quoniam, viuit ille: ideo etiam viuus, corpore ac sanguine vicens, integer, à fidelibus sumitur. Atqui de communione laica, hæc verè, purè, & sine conditione, profiteor.

DE SACRAMENTO Confirmationis, cum Ecclesia consentio: quod, nisi ab Episcopis, ritè non traditur: Apostolorum utiq; instituto. qui per Orationem, & per manus impositionem, firmabant in credētibus fidem: vt habetur Actuum 8. & 19.

VNCTIONIS extremæ Sacramētum, traditione Apostolica, septimo loco, ritè superioribus adiungitur: quo in migrantibus, abolentur delicta, excitatur fides: animatur mens: incen-

D datur

FIDEI CATHOLICAE

ditur verò charitas.

Huius Sacramenti Iacobus intuens beneficium, illa præcepit. Infirmatur quis inter vos: vocet presbyteros Ecclesiæ: & orent super eum, vngentes eum oleo in nomine Domini. & oratio fidei, saluabit infirmum: & alleuiabit eum Dominus: & si in peccatis sit, remittentur ei.

Hæc sunt septem Sacramenta illa, per quæ gratiam suam, nobis DEVS largitur: & per quæ beneficia Christi in nos deriuantur. quibus qui nō vtitur, aut perperam illis vtitur: funditus expers est gratiæ Christi. vt causa alie non sit: cur inter bonos, ac malos, ingens sit discrimen, nisi ipsorum sacramentorum legitimus vsus. Hæc enim Sacramenta, sola sunt: per quæ nobiscum communicatur gratia Christi.

Quamobrem, damno, atque anathematizo, cuiusq; generis hæreticos qui sacramentis istis, apposuerunt, aut de his diminuerunt aliquid. Super
quos

CONFESSIO.

quos etiā Deus apponet, plagas promissas: & auferet partem eorum, de libro vitæ: & à ciuitate sancta sua.

DE FIDE ET OPE-

RIBVS.

RESTAT, vt de fide, & de operibus, addam paucis: nam de ijs nunc vehementer controuertitur. tum etiam superiora omnia, ipsa per se nihil valēt: nisi adsit fides, quæ per dilectionem operatur. Quicquid enim ex fide nō est, peccatum est. Talem ergo fidem, ego probo: & quantum possum, sequor: quæ per dilectionem operatur. Opera etiam, partem iustificationis nostræ, esse affirmo: non ea, quæ antecedunt fidem: & quæ sancta, atque bona, homines arrogantes, ipsi sibi tribuunt: & qui ex operibus legis gloriantur. de ijs enim scriptum est: Quia ex operibus legis, non iustificabitur omnis caro, coram illo: Romanorū 3. Sed ea opera, pars iustificationis no-

D 2 stræ

FIDEI CATHOLICAE.

stræ sunt: quæ fidem, per dilectionem operantem, consequuntur. quando videlicet homo, incorporatus, per fidem, Christo, potest, illo intus cooperante, grata Deo præstare opera. Talis fides, cum operibus sumpta, iustificat: aliter illa, mortua est.

Quæ quidem fides iustificans, nobis in Abel iusto, ad exemplum proponitur: ad quem respexit Dominus: & ad munera eius. Illa autem opera, quæ sine fide sunt: in Cayno damnauit Deus ad quem perfidum, non respexit: neque ad munera eius.

Damno itaque, & anathematizo eos: qui opera à iustificatione seiungunt: ac fidem nudam relinquunt, ipsa autem opera, nil, nisi signa, & inditia fidei, volunt esse. Si enim Deus, respexit ad Abel, hoc est, ad fidem Abelis: & ad munera, hoc est, ad opera eius: quomodo opera, pars iustificationis nostræ, non sunt? cum illa, ex fide manantia, respiciat Deus?

Hæc

CONFESSIO.

Hæc est, Reuerendissime Domine, eius Fidei Confessio: quæ in progenitoribus meis habitabat: & quæ per manus, à parentibus meis, mihi tradita est: quam etiam tueor pro viribus. Proinde, supplex peto: vt Vestra Re. Do. secundum hanc

Confessionem, me cum his congreget: quos in provincia sua, fideles in domino, sibi habet subiectos.

Anno à Natali Iesu Christi.

M. D. LII.

D 3 IN

IN CONFESSIO- STANISLAO ORL- 28

NEM S. ORICHOU, LAV-
rentius Goslicki. SC. CR.

CHOVIO, IOANNES BIE-
DRZYCKI.

Cum Sathana, Christum doceat, sine lege, mi-
nistri,

Atq; trahunt, stultos, in sua fila, greges:
Christe, tuis, nimium felix Ori choui, armis;
Quam docuit Petrus, suadet amare, fidem.
Sicq; fugit cautus, notos Ori choui, hostes:
Circeosq; procul, uertit ab aure, sonos.
Rodere dente parat, famulū, gens perfida, Christi:
Nam pura Christum, mente, fideq; colit.
Sed tamen has pelagi, gaudet perferre, procellas:
Nil itis ut Christi, munus obire queat.
Christicolasq; docet, nocuas uitare latebras:
Quas omni statuit, turba prophana, modo.
Syncerum, Christi respicit pneumate, uerum,
Et rectum, puro pectore, monstrat iter.
Hic maneat, Lector: fidei hic tentoria sistat.
Tutus ab insidijs, quas struit hostis, erit.

More q. antiquo Christi, Stan isle, teris:
Efficis, ut priscos, multi im, itur, auos.
Nam tua, cum ueteres, referant monum, et, labores:
Ac placidi fias, parsq; decusq; gregis:
Est opus, ut Grillo sit adhuc agrestior ille:
Qui uelit à tanto, se remouere uiro.
Ergo sacrilegis uiuas, metuende, tyr annis:
Viuat et ingenij, dextera fama, tui.

IDEM CHRISTIANO LECTORI.

Arguit ut nequam, rudis ignorantia, seruum:
Cum sci de Domino, nulla referre suo.
Diceris haud uerus, sacrati cultor ouilis:
St male pastorem, conhteare tuum.
Hæc igitur uideas, paruo contenta libello:
Disces, quod placidam, nosse iuuabit, ouem.

STAN-

BIBLIOTHECA
VNIV. MAGELL.
CRACOVENSIS.





